



Oda e Stomatologëve të Kosovës
Stomatološka Komora Kosova • Dental Chamber of Kosovo

**RREGULLORE PËR
DHËNIEN E DEKORATAVE DHE ÇMIMIT VJETOR**

Prishtinë, tetor 2023

KUVENDI I ODËS SË STOMATOLOGËVE TË KOSOVËS (OSK-së) në mbështetje të Nenit 19, paragrafi 1 me nën-paragrafin 1.1 të Ligjit 04/L-150 për Odat e Profesionistëve Shëndetësor, Nenit 20, paragrafi 1 me nën-paragrafin 1.1 të Statutit të Odës së Stomatologëve të Kosovës, si dhe Nenin 18, paragrafi 5 të Rregullores për Procedurat Vendimmarrëse të Organeve të OSK-së, e miratuar në mbledhjen e datës 16 maj 2019, e plotësuar dhe ndryshuar në mbledhjen e mbajtur me datë 17.10.2023, miraton këtë:

RREGULLORE PËR DHËNIEN E DEKORATAVE DHE ÇMIMIT VJETOR

(Teksti i spastruar me plotësime dhe ndryshime të miratuara sipas Vendimit të Kuvendit të OSK-së, të dt. 17.10.2023)

KAPITULLI I- DISPOZITAT E PERGJITHSHME

Neni 1 Qëllimi

Me këtë Rregullore përcaktohet procedura dhe mënyra e dhënies së dekoratave dhe çmimit vjetor të Odës së Stomatologëve të Kosovës (në tekstin e mëtejme: Oda).

Neni 2 Fushëveprimi

Dekoratat e Odës janë mirënjohjet e dhëna për anëtarët e saj të shquar, si dhe për individë të tjerë, institucione, organizata dhe persona juridik brenda dhe jashtë vendit për kontribut dhe merita të veçanta në avancimin dhe zhvillimin e stomatologjisë në vend dhe asaj mbarëshqiptare si dhe për promovimin e saj jashtë vendit.

Neni 3 Përkufizimet

Shprehjet e përdorura në këtë rregullore kanë këtë kuptim:

Dekorata — Vlerësimi më i lartë i OSK-së për anëtarin e Odës dhe individët tjerë për kontributin e dhënë në fushën e stomatologjisë;

Mirënjohje — e cila u jepet anëtareve të Odës dhe individëve të tjerë, institucioneve, organizatave, shoqatave dhe personave juridik për një kontribut të veçantë në zhvillimin dhe përmirësimin e stomatologjisë në Republikën e Kosovës;

Çmimi vjetor — i cili u jepet anëtarëve të Odës anëtarët që kanë të arritura shkencore në fushën e stomatologjisë;

Revokim i dekoratës - heqja e së drejtës dikujt, për bartjen e Dekorates së dhënë nga Oda;

Këshilli Drejtues – Organ i Odës së Stomatologëve të Kosovës;

Komisioni për Dhënien e Dekoratave - Organ i Odës i cili është përgjegjës për shqyrtimin, vlerësimin dhe përzgjedhjen e kërkesave për dhënien e dekoratave;

Buxheti — Vijë buxhetore e ndarë për dekorata dhe çmime.

KAPITULLI II- DEKORATAT E ODËS

Neni 4

1. Oda e Stomatologëve të Kosovës do të ketë 3 (tri) lloje të dekoratave, si në vijim:

1.1. Dekorata “Nderi i Stomatologjisë Kosovare”,

1.2. Dekorata për Arritje shkencore,

1.3. Mirënjohja e Odës së Stomatologëve të Kosovës.

Neni 5

Pamja vizuale (dizajnimi) i llojeve të dekoratave të dhëna nga OSK-ja sipas Nenit 4 të kësaj Rregulloreje përcaktohet nga Këshilli Drejtues i Odës.

Neni 6

E njëjta dekoratë nuk mund t'i jepet dy herë të njëjtit person.

Neni 7

Dhënia e dekoratave mund të shoqërohet me një shpërblim në të holla, sipas kritereve që do të caktojë Këshilli Drejtues i Odës.

Neni 8

DEKORATA “NDERI I STOMATOLOGJISË KOSOVARE”

1. Dekorata “NDERI I STOMATOLOGJISË KOSOVARE”, u jepet anëtarëve të Odës dhe individëve të tjerë, institucioneve, shoqatave dhe organizatave brenda dhe jashtë vendit për merita të veçanta në avancimin dhe zhvillimin e stomatologjisë, për promovimin e vlerave profesionale, shkencore dhe etike të Odës, për ushtrimin e profesionit në mënyrë profesionale dhe të ndërgjegjshme, për vepra të njohura profesionale dhe shkencore brenda dhe jashtë vendit, për kontribut të shquar dhe merita të veçanta në afirmimin dhe zhvillimin e stomatologjisë mbarëshqiptare dhe përgjithësisht në ngritjen e reputacionit të stomatologjisë kosovare jashtë vendit.

2. Dekorata “NDERI I STOMATOLOGJISË KOSOVARE” mund të jepet çdo vit.
3. Dekorata “NDERI I STOMATOLOGJISË KOSOVARE” mund të jepet edhe post-mortem.
4. Çdo certifikatë e dekoratës së lëshuar, përmban numrin e vet identifikues.

Neni 9

DEKORATA PËR ARRITJE SHKENCORE

Dekorata për arritje shkencore e Odës së Stomatologëve të Kosovës u jepet individëve të cilët kanë të arritura të vërtetuara në fushën e stomatologjisë, me kontributin e shprehur në nivel evropian dhe botëror.

Neni 10

MIRËNJOHJA E ODËS SË STOMATOLOGËVE TË KOSOVËS

1. Mirënjohja e Odës së Stomatologëve të Kosovës u jepet anëtarëve të Odës dhe individëve të tjerë, institucioneve, organizatave, shoqatave dhe personave juridik nga vendi dhe jashtë vendit për një kontribut të veçantë në zhvillimin dhe përmirësimin e stomatologjisë në Republikën e Kosovës, si dhe për meritat dhe ndihmën e rëndësishme që i është dhënë Odës në arritjen e detyrave të saja.
2. Mirënjohja e Odës së Stomatologëve të Kosovës i jepet anëtarëve të Odës dhe individëve tjerë pas vdekjes, si shenjë mirënjohjeje dhe falenderimi për punën e përgjegjshme shumëvjeçare.
3. Numri i mirënjohjeve nuk është i kufizuar.

Neni 11

ANËTAR NDERI I ODËS

1. Anëtar nderi i Odës mund të bëhet shtetasi i Republikës së Kosovës ose shtetasi i huaj, i cili ka merita për kontribut të veçantë për Odën, veçanërisht në avancimin profesional dhe shkencor.
2. Anëtar nderi i Odës ka të gjitha të drejtat dhe detyrimet e anëtarit të Odës, me përjashtim të detyrimit për të paguar kuotën e anëtarësisimit dhe për të marrë lejen për punë të pavarur (licencë).

3. Anëtarët e nderit zgjidhen nga Këshilli Drejtues me propozim të Kryetarit të Odës.

Neni 12

Dhënia e propozimit për dekorata

1. Propozimi për dhënien e dekoratave mund t'i dorëzohet Këshillit Drejtues të Odës drejtpërdrejtë nga:
 - 1.1. Kryetari i Odës,
 - 1.2. Anëtarët e Këshillit Drejtues të Odës,
 - 1.3. Anëtarët e Kuvendit të Odës.
2. Propozimi për dekoratë është i plotë nëse shoqërohet me arsyetim përkatës ku paraqiten arritjet dhe meritat e veçanta të të propozuarit me biografi të personit të propozuar.
3. Anëtarët e Odës nuk mund ta propozojnë vetveten për dhënien e dekoratës.
4. Miratimi i propozimeve për dekorata është e drejtë e Këshilli Drejtues të Odës, i cili vlerëson propozimin, e miraton ose nuk e miraton, vendos për të dhënë dekoratë tjetër nga ajo që është propozuar ose e riformulon arsyetimin.

Neni 13

Mënyra e dhënës së dekoratave

1. Dhënia e dekoratave vendoset nga Këshilli Drejtues i Odës në bazë të propozimit përfundimtar të Komisionit, përveç Dekoratës “Nderi i Stomatologjisë Kosovaret”, për të cilën është i nevojshëm miratimi paraprak i Kryetarit të Odës.
2. Dekoratat jepen në një manifestim solemn, në seancën vjetore të Kuvendit, në një event që Oda organizon ose të ngjashme.
3. Për kohën, vendin dhe mënyrën e dhënies së dekoratave vendos Këshilli Drejtues i Odës, ndërkaq i dorëzon Kryetari i Odës ose personi i autorizuar prej tij.
4. Nëse i dekoruari nuk pranon ta marrë Dekoratën atëherë veprohet sikurse Dekorata të mos ishte dhënë fare.
5. Vendimi për dhënien e dekoratave publikohet në Web-faqen zyrtare të Odës.
6. Vendimi për dhënien dhe revokimin e dekoratave publikohet në buletinet e Odës dhe përfshihet në një Libër të veçantë të dekoratave e cila mbahet në arkivin e Odës.
7. Me propozimin e Kryetarit të Odës, dekoratat e Odës të parapara me këtë Rregullore mund të jepen në raste të veçanta

Neni 14
Dhënia e Dekoratës pas vdekjes

1. Dhënia e Dekoratës pas vdekjes së të dekoruarit i bëhet familjarëve të tij: bashkëshortit/tes, fëmijët, të adoptuarit, nipat/mbesat, prindërit, adoptuesit, vëllezërit dhe motrat e të dekoruarit.
2. Nëse i dekoruari nuk ka anëtar të familjes sipas paragrafit 1 të këtij neni dhënia e Dekoratës publikohet në ueb-faqen zyrtare të Odës dhe ruhet si një pasuri e Odës.

Neni 15
Revokimi i dekoratës

1. Të dekoruarit, mund të revokohet Dekorata nëse vepron në kundërshtim me Kodin Etik të Odës, moralin dhe kryen vepra tjera që e bëjnë të pa denjë për bartjen e Dekoratës.
2. Propozimin për revokimin e dekoratës mund ta bëjë propozuesi për dekoratë, Komisioni apo Kryetari i Odës.
3. Kryetari i Odës me aprovim të Këshillit Drejtues nxjerrë vendim për revokimin e dekoratës anëtarit të Odës.
4. Vendimi për revokimin e Dekoratës publikohet në ueb faqen zyrtare të Odës.

KAPITULLI III- ÇMIMI VJETOR I ODËS SË STOMATOLOGËVE TE KOSOVËS

Neni 16

1. Çmimi vjetor i Odës së Stomatologëve të Kosovës ndahen mbi këto baza:
 - 1.1 Anëtarit të Odës i cili ka publikuar punimin e vet origjinal shkencor, në revistat shkencore me faktorin e indeksuar të ndikimit (*Impact factor*) në bazën e të dhënve *Web of Science apo Scopus*. Nëse anëtari i Odës ka publikuar disa punime në revistat përkatëse shkencore gjatë vitit të kaluar kalendarik., atëherë mblidhen faktorët e tij të ndikimit dhe arrihet e ashtuquajtura shumë e faktorëve të ndikimit. Nëse disa anëtarë të Odës kanë të njëjtën shumë të faktorëve ndikues të punimeve shkencore, çmimi vjetor i Odës do t'i jepet anëtarit të Odës i cili është autori i parë në më shumë punime shkencore të këtilla.
 - 1.2 Anëtarit të Odes i cili në mënyrë të veçantë, me veprimtari të jashtëzakonshme ka mbrojtur të drejtat e stomatologëve dhe ka kontribuar në promovimin e interesave të stomatologjisë kosovare.

- 1.3 Anëtarit të Odës i cili me punën e vet profesionale në praktikën mjekësore ka arritur rezultatet më të larta profesionale gjatë vitit të kaluar kalendarik.
2. Kushtet tjera dhe procedurat për mbështetje financiare përcaktohen me konkurs, të cilin e shpallë Këshilli Drejtues i Odës.
 3. Këshilli Drejtues i Odës vendos mbi vlerën monetare si dhe pamjen e mirënjohjes me shkrim të çmimit vjetor të Odës.
 4. Propozimi për dhënien e çmimeve vjetore të Odës mund t'i dorëzohet Këshillit Drejtues të Odës drejtpërdrejtë nga: Kryetari i Odës, Anëtarët e Këshillit Drejtues të Odës dhe Anëtarët e Kuvendit të Odës me arsyetimin përcjellës.
 5. Gjatë një viti mund të jepet vetëm një çmim vjetor i Odës së Stomatologëve të Kosovës mbi secilën bazë të cekur në paragrafin 1 të këtij neni.

KAPITULLI IV- KOMISIONI PËR DHËNIEN E DEKORATAVE DHE ÇMIMIT VJETOR

Neni 17

Përbërja e komisionit

1. Komisioni përbëhet nga pesë (5) anëtarë të Odës që emërohen nga Këshilli Drejtues i Odës me propozim të Kryetarit të Odës, ku njëri prej tyre zgjedhet Kryetar i komisionit.
2. Mandati i komisionit përcaktohet nga organi i cili e ka emëruar, përkatësisht Këshilli Drejtues i Odës.
3. Nëse kryetari i komisionit ose një anëtar i komisionit mungon pa arsye më shumë se tre herë në takimet e Komisionit ose nuk i përmbush detyrat e veta në punën e komisionit, Kryetari i Odës mund t'i propozojë Këshillit Drejtues të Odës shkarkimin e tij dhe emërimin e një anëtar të ri.
4. Detyrat administrative për nevojat e komisionit ofrohet nga Shërbimit Profesional i Odës.
5. Asistenca juridike e komisionit i ofrohet nga Zyrtari Ligjor i Shërbimit Profesional të Odës.

Neni 18

Fushëveprimi i Komisionit

1. Komisioni mbledh dhe shqyrton propozimet për dhënien apo revokimin e dekoratave dhe çmimeve vjetore dhe përgatit propozimin përfundimtar.
2. Këshilli Drejtues i Odës përcakton punën e Komisionit me një akt të veçantë.

DISPOZITAT PËRFUNDIMTARE

Neni 19 Hyrja në fuqi

1. Me hyrjen në fuqi të kësaj rregulloreje shfuqizohet rregullorja me nr. prot. 2321 të datës 12.04.2023, të miratuar nga Kuvendi i Odës.
2. Kjo rregullore hyn në fuqi pas miratimit të saj nga Kuvendi i OSK-së dhe nënshkrimit nga Kryetari i OSK-së.
3. Kjo rregullore publikohet në web faqen e Odës.



Kryetari i OSK-së
Prof. Dr. Blerim Kamberi